



Broj: 02-04-2-2338/23  
Maglaj, 20.12.2023. godine

### Z A P I S N I K

Sa 33. redovne sjednice Općinskog vijeća Maglaj  
održane dana 20.12.2023. godine u 16:00 sati u Sali Općinskog vijeća  
JU Dom kulture «Edhem Mulabdić» Maglaj

**Predsjedavajuća Aida Bašić:** Na osnovu člana 59. Poslovnika o radu Općinskog vijeća Maglaj, zaključaka Kolegija od 13.12.2023.godine, otvaram 33. redovnu sjednicu Općinskog vijeća Maglaj

Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH, i samostalni vijećnici Elvir Vehabović, Mustafa Bešić i Mirza Mešić. Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona gospođa Emira Drnda-Čičeklić, gospodin Jasminko Kapić i gospodin Hajrudin Ferić.

Sve vas selamim pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Molim predstavnicu Službe Općinskog načelnika i Općinskog vijeća, da prozivkom vijećnika utvrdimo broj vijećnika na 33. redovnoj sjednici Općinskog vijeća.

Današnjoj sjednici Općinskog vijeća prisustvuju 22 vijećnika, nije prisutan Delić Fikret, Mustafa Bešić i Elvir Vehabović. Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj. Na današnjoj sjednici izvršit ćemo i verifikaciju zapisnika sa prethodne 32. redovne sjednice Općinskog vijeća, nastavka 32. redovne sjednice Općinskog vijeća Maglaj. Ima li primjedbi? Nema. Konstatujem da je u salu stigao Delić Fikret, te da sjednici prisustvuju 23 vijećnika. Ukoliko nema primjedbi na zapisnik, možemo verifikovati zapisnik sa protekle sjednice, ko je za? Konstatujem da smo sa 23 glasa za...konstatujem da je Bešić prisutan, stoga 24 glasa za.

**Glasalo za :** Svjetlana Zamboni, Elvir Arnautović, Jasmin Duhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetih, Fikret Delić (SDP), Mustafa Bešić (samostalni vijećnik), Aida Bašić (A-SDA). Pero Mamić (HDZ BH), Aida Hadžić (DF), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

**Glasalo protiv:** Nema.

**Uzdržanih:** Nema.

Otvaram raspravu po pitanju Dnevnog reda, da li ima prijedloga za proširenje Dnevnog reda. gospođu Hadžić, izvolite.

**Vijećnica Aida Hadžić:** Dobar dan, pozdravljam sve prisutne. Dobili smo dopis od Komunalnog pa evo predlažem da ubacimo u Dnevni red da stavimo kao tačku Dnevnog reda Prijedlog Zaključka kojim se daje ovlaštenje ja usput i predlažem da to bude predsjedavajuća kao i do sada

da u ime Općinskog vijeća Maglaj kao osnivača Komunalnog javnog društva po konačnom imenovanju direktora potpiše prijavu za registraciju u postupku promjene lica ovlaštenog za zastupanje KJD d.o.o. Maglaj.

**Predsjedavajuća Aida Bašić:** Hvala gospođo Hadžić. Evo stavljam ovaj prijedlog na glasanje? Ko je za?

**Glasalo za:** Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Pero Mamić (HDZ BH), Aida Hadžić (DF), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusr, Edin Osmić (SDA), Mirza Mešić (samostalni vijećnik).

**Glasalo protiv:** Nema.

**Uzdržanih:** Nema.

Konstatujem da sa 24 glasa za usvojili ovaj prijedlog i prošili Dnevni red, tako da će sada pročitati Dnevni red sa naravno i ovim prijedlogom zaključka.

### DNEVNI RED

1. Nacrt Budžeta/Proračuna Općine Maglaj za fiskalnu 2024. godinu
2. Nacrt Odluke o izvršavanju Budžeta/Proračuna Općine Maglaj za fiskalnu 2024. godinu
3. Prijedlog Odluke o istupanju Općine Maglaj iz članstva Regionalne ekonomske zajednice „REZ“ d.o.o. Zenica
4. Godišnji plan potencijalnih JPP projekata za 2024. godinu
5. Srednjoročni plan potencijalnih JPP projekata za 2024/2025. godina
6. Prijedlog Odluke o utvrđivanju vrijednosti boda komunalne naknade za 2024. Godinu
7. Prijedlog Zaključka kojim se daje ovlaštenje Aidi Bašić, predsjedavajućoj Općinskog vijeća Maglaj, kao osnivača Komunalnog javnog društva d.o.o. Maglaj, da po konačnom imenovanju direktora, potpiše Prijavu za registraciju u postupku promjene lica ovlaštenog za zastupanje Komunalnog javnog društva d.o.o. Maglaj, kod nadležnog registarskog sud

Ko je za ovako predloženi Dnevni red?

**Glasalo za :** Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Pero Mamić (HDZ BH), Aida Hadžić (DF), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusr, Edin Osmić (SDA), Mirza Mešić (samostalni vijećnik).

**Glasalo protiv:** Nema.

**Uzdržanih:** Nema.

Konstatujem da smo jednoglasno usvojili predloženi Dnevni red.

### AD 1. Nacrt Budžeta/Proračuna Općine Maglaj za fiskalnu 2024. godinu

**Predsjedavajuća Aida Bašić:** Prelazimo na prvu tačku a to je Nacrt Budžeta/Proračuna Općine Maglaj za fiskalnu 2024. godinu. Otvaram raspravu. Senade, izvolite.

**Vijećnik Senad Šehić:** Sve vas lijepo pozdravljam. Nadam se da ćemo danas biti kratki i efikasni s obzirom na ovakav poprilično kratak Dnevni red koji imamo i naravno svi smo svjesni činjenice da smo danas tu prije svega Nacrta Budžeta. Meni je iskreno žao što danas na ovoj sjednici ne razgovaramo već o Prijedlogu Budžeta, što izlažemo i građane novom trošku ova današnja sjednica je na neki način po meni je i bespotrebna ali evo šta je tu je, kasnimo i idemo dalje. Dakle, ako uzmemo evo baš u obzir i današnji dan i datum i vremenske rokove i ovo malo dana što je

ostalo do kraja ove godine i na kraju krajeva ako želimo biti odgovorni prema samim sebi i prema građanima i građankama općine Maglaj, ja predlažem po ovoj tački u ime Kluba SDP-a i naših koalicionih partnera predlažem sljedeći zaključak: Da općinsko vijeće Maglaj donese danas Nacrt Budžeta/Proračuna Općine Maglaj. Da se obaveže Služba za privredu, finansije i razvoj poduzetništva da zakaže održavanje Centralne javne rasprave već u petak 22.12. razmišljali smo možda da to bude eventualno i ponedjeljak ali obzirom na božićne praznike. Dakle, mislim da to nije uredu evo da gledmao da to što prije ako treba može čak i subota to biti. Da dostavi Službi Općinskog načelnika i Općinskog vijeća konačan Prijedlog Budžeta/Proračuna za 2024. godinu i to u utorak 26.12.2023 godine kako bi se materijal dostavio isti dan vijećnicima. Da se obaveže predsjedavajuća Općinskog vijeća Maglaj da zakaže vandrendu sjednicu Općinskog vijeća Maglaj i to u četvrtak 28.12.2023. godine kako bi se ispoštovala zakonska procedura usvajanja Budžeta/Proračuna zaključno sa 31.12. tekuće godine. Hvala.

**Predsjedavajuća Aida Bašić:** Hvala Senade. Eldin, izvolite.

**Vijećnik Eldin Pehrat:** Sve vas srdačno selamim i pozdravljam. Vežano za prvu tačku, dakle nas zanima da li su sredstva sa viših nivoa prebačena na račun Općine a koja se odnose na kapitalne investicije koje su uvrštene u Budžet i ako nisu da li bar imamo donešene Odluke sa viših nivoa za iste. Također, evo smatramo kako bi sve bilo transparentno, dakle da se obrade kako bi se ostavilo vremena da se obrade prijedlozi koji će pristići od budžetskih korisnika, udruženja itd, predlažemo javnu raspravu u vremenskom periodu od 15 dana.

**Predsjedavajuća Aida Bašić:** Hvala Eldine. Da li se još neko javlja za riječ? Ukoliko nema, evo Senada ja bih vas zamolila da ponudite odgovore.

**Senada Alibajraktarević:** Selamim i pozdravljam sve prisutne, vežano za vaše pitanje odgovorila bih da u momentu sastavljanja ovog Nacrta Budžeta služba je uobzirila sva novčana sredstva koja su stigla sa viših nivoa vlasti vežano za kapitalna ulaganja a naravno sva sredstva koja su došla od tog momenta sastavljanja pa do momenta sastavljanja Prijedloga Budžeta bit će uvrštena u novi Prijedlog Budžeta za 2024. godinu.

**Predsjedavajuća Aida Bašić:** Hvala Senada. Da li ima više diskutanata. Na zahtjev Kluba SDA pauza. Nije zaključena rasprava, pauza 5 minuta. Nastavljam nakon pauze, Abdurahmanović izvolite.

**Vijećnik Adis Abdurahmanović:** Selamim i pozdravljam sve prisutne i želim nam brz i efikasan rad na današnja sjednici. Slučajuci prijedlog SDP-a ja bih tražio pojašnjenje, odnosno od Službe Općinskog vijeća pa ću se dotaći Poslovnika o radu člana 59. Da li ovaj prijedlog SDP-a ima pravno uporište da bude sjednica održana kao vandredna, Molio bih da izađe ovdje za govornicu neko ko je kompetentan i da nam iščita taj član i objasni.

**Predsjedavajuća Aida Bašić:** Hvala Adise, evo Emina će objasniti.

**Emina Hasanić:** Sve vas selamim i pozdravljam obzirom da izlazim prvi put. Član 59. Poslovnika o radu Općinskog vijeća stav 4 kaže da vandredna sjednica se održava izuzetno po pitanju vitalnih interesa lokalne zajednice u slučajevima opasnosti po javnu sigurnost i sigurnost građana širih razmjera, elementarnih nepogoda, epidemija i sličnih vandrednih okolnosti. Ako Nacrt Budžeta po vama nije vitalni interes lokalne zajednice, onda ja ne znam šta je.

**Predsjedavajuća Aida Bašić:** Hvala Emina, gospodin Šehić izvolite.

**Vijećnik Senad Šehić:** Ja bih samo da korigujem u ovom našem setu prijedloga, samo d akorigujem datum održavanja Centralne javne rasprave da to bude ipak 25.12. ponedjeljak. Kada sam spominjao božićne praznike mislio sam na sjednicu ali sjednica nam je ipak 2-3 dana poslije. Javna rasprava da ipak bude 25.12. i da Službi damo više vremena a da Služba odredi satnicu. Ko želi može i ranije do Centralne javne rasprave dostaviti prijedloge.

**Predsjedavajuća Aida Bašić:** Vrijeme održavanja će ukoliko prijedlog bude dobio potrebnu većinu odrediti Služba.

**Vijećnik Senad Šehić:** Vrijeme da odredi služba.

**Predsjedavajuća Aida Bašić:** Hvala Senade. Ima li više diskutanata, gospodin Bešić izvolite.

**Vijećnik Mustafa Bešić:** Sve vas selamim i pozdravljam pošto izlazim prvi put. Čuli smo od kolega vijećnika iz SDA da oni traže da ide javna rasprava i da procedura ide 15 dana. Evo ja

koliko znam računati imamo 10 dana stare nove godine znači da je to u staroj novoj godini to održati da imamo Budžet. Da imamo Budžet u staroj godini da. Ja sad pitam kolege vijećnike je li vama u interesu da imamo Budžet ili da nemamo. Ako smo na prošloj sjednici ovdje udovoljili vašim zahtjevima svim ne znam šta je sada problem. Ne ide mi u glavu šta je problem, zbog čega sad ovo. Ako je služba rekla da se može održati sjednica po hitnoj proceduri ako i ne oni odgovaraju. Imaju ljudi koji su plaćeni za to, mi smo ovdje volonteri. Nije mi jasno zašto nam nije u interesu da imamo Budžet, stvarno mi nije jasno. Evo ja bih zamolio kolege da mi objasne zbog čega sad opstrukcija. Toliko, hvala.

**Predsjedavajuća Aida Bašić:** Hvala Bešiću, gospodin Mamić.

**Vijećnik Pero Mamić:** Moje poštovanje, ja vas pozdravljam sve skupa. Ja jednostavno sam morao izaći pretpostavljate svi zašto. Iz jednostavnog razloga što se radi o terminu 25.-ti ali vjerujte mi ja sam to morao, jednostavno moram reagirati jer mislim da bi svako i od vas za radi takvog tajminga reagirao ali obzirom da se radi o jako bitnoj stvari. obzirom, da nažalost to je tako jako malo ljudi se i odazove, obzirom da je to vrlo bitna stavka, ja ću glasati za s tim da se ubuduće stvarno malo bolje povede računa o ovim stvarima. Ja znam da se to ne može ni predvidjeti niti išta ali morao sam to reći. Jasno mi je da se može i prije i poslije 25.-tog uputiti ko ima prijedloge ili bilo šta vezano za Proračun, tako da ću ovaj put ja glasati za i to je to.

**Predsjedavajuća Aida Bašić:** Hvala gospodine Pera. Da li se još neko javlja za riječ? Ukoliko nema diskutanata, zatvaram raspravu vezano za tačku 1 te imali smo dva prijedloga koji su došli jedan ispred Kluba SDP-a, drugi ispred Kluba SDA. Kako bi se svi zajedno podsjetili prijedloga Kluba SDP-a ja ću ih pročitati, odnosno prijedlog zaključka. Da Općinsko vijeće Maglaj donese Nacrt Budžeta/Proračuna Općine Maglaj. Da s obavezne Služba za privredu, finansije i razvoj poduzetništva da zakaže održavanje Centralne javne rasprave u ponedjeljak 25.12.2023. godine, Služba će odrediti vrijeme u koje će se održati javna rasprava. Dostavi Službi Općinskog načelnika i Općinskog vijeća konačan prijedlog Budžeta/Proračuna Općine Maglaj za 2024. godinu utorak 26.12.2023. godine kako bi se materijal dostavio isti dan vijećnicima Općinskog vijeća Maglaj. Da se obaveže predsjedavajuća Općinskog vijeća Maglaj da zakaže vandrednu sjednicu Općinskog vijeća u četvrtak 28.12.2023. godine kako bi se ispoštovala zakonska procedura usvajanja Budžeta/Proračuna do 31.12.2023. godine. Vezano za tačku 3 da se sjednica održi 28.12.2023. godine niste predložili vrijeme održavanja sjednice. Pitam samo, želim da ih napomenem da nisu. U tom slučaju ću vrijeme odrediti ja. Drugi prijedlog je bio ispred Kluba SDA odnosio se da se javna rasprava održi u roku od 15 dana ali evo ovaj prvi prijedlog stavljam na glasanje, koji će odrediti da li će drugi prijedlog biti potrebno stavljati na glasanje. Ko je za?

**Glasalo za :** Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Pero Mamić (HDZ BH), Aida Hadžić (DF).

**Glasalo protiv:** Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA).

**Uzdržanih:** Mirza Mešić (samostalni vijećnik).

Konstatujem da je tačka 1. dobila potrebnu većinu.

## ZAKLJUČAK

1.1. Donosi se Nacrt Budžeta/Proračuna Općine Maglaj za fiskalnu 2024. godinu

1.2. Obavezuje se Služba za privredu, finansije/financije i razvoj poduzetništva da zakaže održavanje Centralne javne rasprave u ponedjeljak 25.12.2023. godine i da dostavi Službi Općinskog načelnika i Općinskog vijeća konačan Prijedlog Budžeta/Proračuna Općine Maglaj za 2024. godinu u utorak, 26.12.2023. godine, kako bi se materijal dostavio isti dan vijećnicima Općinskog vijeća Maglaj.

1.3.Obavezuje se predsjedavajuća Općinskog vijeća Maglaj da zakaže vanrednu sjednicu Općinskog vijeća Maglaj u četvrtak, 28.12.2023. godine, kako bi se ispoštovala zakonska procedura usvajanja budžeta/proračuna do 31.12.2023. godine.

## **AD 2. Nacrt Odluke o izvršavanju Budžeta/Proračuna Općine Maglaj za fiskalnu 2024. godinu**

**Predsjedavajuća Aida Bašić:** Prelazimo na drugu tačku a to je Nacrt Odluke o izvršavanju Budžeta/Proračuna Općine Maglaj za fiskalnu 2024. godinu. Da li nam je potreban uvodničar? Ne treba. Otvaram raspravu, da li se neko javlja za riječ? Zatvaram raspravu i stavljam na glasanje, ko je za?

**Glasalo za :** Svjetlana Zamboni, Elvir Arnautović, Jasmin Duhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Pero Mamić (HDZ BiH), Aida Hadžić (DF), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

**Glasalo protiv:**Nema.

**Uzdržanih:** Nema.

Konstatujem da smo jednoglasno usvojili Nacrt Odluke.

## **ZAKLJUČAK**

2.1.Donosi se Nacrt Odluke o izvršavanju Budžeta/Proračuna Općine Maglaj za fiskalnu 2024. godinu.

## **AD 3. Prijedlog Odluke o istupanju Općine Maglaj iz članstva Regionalne ekonomske zajednice „REZ“ d.o.o. Zenica**

**Predsjedavajuća Aida Bašić:** Prelazimo na treću tačku a to Prijedlog Odluke o istupanju Općine Maglaj iz članstva REZ-a d.o.o. Zenica. Obzirom da smo ovu tačku prošli put vratili na doradu i imali smo zaključak da se pozove direktor ove agencije na sjednicu. Direktor je prisutan tu, pa bih ga zamolila da nam se obrati.

**Ismet Sarajlić:** Poštovanje, poštovana predsjedavajuća, poštovani vijećnici, načelnice, želim sve da vas pozdravim i da vam se zahvalim na mogućnosti da vam se obratim. Općina Maglaj je jedan od osnivača REZ Agencije. REZ Agencija djeluje na području dva kantona Zeničko-dobojskog i Srednjobosanskog ali ne na svim općinama. Zašto ne na svim općinama? Zato što je Agencija uspostavljena na inicijativu i potpomognuta projektima E-ureda u kojem se osjetila potreba da se BiH podijeli na ekonomske regije jer je čitava Evropa podjeljena na regije a da se o tome vodi računa šta koje ekonomski gravitira i privreda ima svoj način razmišljanja. Tako da su te neke uslovne rečeno politički kantoni, neke općine što su bile tipa Olovo, Kiseljka, Visoko itd one su pripale Sarajevskoj Razvojnoj agenciji. Postoji osnivački akt kojim je Općina Maglaj osnovala REZ Agenciju uz dva kantona i 14 općina i u kojoj se obavezala da će određene obaveze izvršavati a to je regulisano bilo isto tako jednim dokumentom u osnivačkom aktu je rečeno da će Općine malo ću vam parafrazirati to da će Općina u skladu sa svojim mogućnostim finansirati Agenciju a da će to biti riješeno posebnim ugovorom. To je i riješeno posebnim Protokolom koji kaže da će član 3. Općine potpisnice ovog Protokola se obavezuju da će sufinansirati dio operativnih troškova REZ Agencije tako što će Općina za te svrhe godišnje izdvajati sredstva u iznosu od 0,25% od iznos prihoda od poreza ostvarenih u godini koja je prethodila godini za koju se vrši

uplata. Općina se od 2010. godine godišnji iznos plaćanje kvartalno do kraja marta za prvi kvartal, do kraja juna za drugi, septembar treći i decembar četvrti kvartal. ovaj Protokol u članu 5. stupa na snagu danom potpisivanja i Protokol se može mijenjati samo pisanim pristankom strana potpisnica. O tom protokolu Općina Maglaj do sada ja sam izvukao podatke opd 2009. godine je uplatila REZ-u 27 % svojih obaveza po tom Protokolu. Recimo 2009. godine je bila obaveza 7.156,00 KM 4.000,00 KM je uplaćeno, 2010. godine 5.772,00 KM, 2.800,00 KM uplaćeno. Ova je bila ko malo pozitivnija 6.802,00 KM, 2012. godine 2.000,00. Da vas ne opterećujem sada s ovim. Uglavnom zadnjih 8 godina Općina Maglaj REZ-u po ovom protokolu i po ovoj obavezi jer vi imate ovdje i u ovom Protokolu da će se u slučaju spora primjenjivati ugovorno pravo. Protokol je ugovor koji je važeći i koji može biti predmet potencijalne službe. Naravno REZ kao Agencija ni u jednom trenutku nije pomišljao da tuži nekog od svojih osnivača. Bez obzira jesu li oni ispunjavali ili nisu svoje obaveze. Nama je često predstavljalo breme što neko ne ispunjava, neko ispunjava jer su Općine koje su ispunjavale mi imamo svoje Skupštine, rekli što mi plaćamo a ovi ne plaćaju. Bez obzira ana benefite. Ono što je posebno iznedaujuće za Općinu Maglaj je da je između ostalog jedino od svih opština REZ Agencija u ovoj općini uspostavila kancelariju koja je traja 3 godine i u toj kancelariji su bile aktivnosti između ostalog ono što se ne vidi, što vam nije prezentirano u ovom dopunskom izvještaju su bili rad sa privrednim društvima, sa privrednicima. To se desilo milionskim ugovorima na tim susretima ovdje su bili uopćeni Primus Maglaj, Sabix Borik Maglaj itd. koji su recimo tu su bili projekti i UNDP-a sutra dva, povezivanje domaćih i stranih fizičkih lica ostavrenom bilo u obimu 393 plus 350 hiljada ovo govorim samo za preduzeća. Mi smo radili direktno programe USAID poslije sa preduzećima gdje su oni dobivali subvencije pravo ne bih želio da iskoristim ovo, svima vam mogu dati podatke da sada promoviram ili ne promoviram te firme. Uglavnom radi se sa stotinama hiljada nekih sredstava koje su oni dobili direktno recimo u ovom slučaju. Što vam ovo govorim taj segment rada REZ Agencije koji je bitan se ne vidi ali je posebno bitan za vas, jer su te firme na području vaše općine, budžetiraju Općinu s obzirom da učestvuju i sve općine lokalne zajednice finansiraju po 80 % kroz privredne subjekte. U ovom periodu govorim ne za zadnjih 8 godina mađ aću vam iznijeti samo kratku stvar evo od korone sa koronom je bilo stalo sve ali recimo ko ne zna recimo projekat Delibegovog hana je projekat REZ-a kojim je samo u taj projekat uloženo 585.673,00 marke. Razne studije, tehnička podrška, govorim sam sada za zadnji period kad nije plaćano. Između ostalog REZ putem Gold projekta USAID-a ukupna vrijednost projekta je bila 57 miliona, nije on dobio sve ove pare on je dobio dio tih para mislim da se radilo negdje oko 148.000,00 KM. ovo se crpi na kantonu, mi sa kantom radimo i imamo izvanrednu saradnju i mi smo uključeni u procese koji oni ne mogu uraditi jer ih Ministarstvo privrede opšterećeno, to se odnosi na Srednjobosanski kanton. Projekat prerada komunalnog otpada je raden 2016/2017. godine i obuhvatao je alternativna goriva u cementnoj industriji, bile su sve općine uključujući i Općinu Maglaj u toj studiji. Info dati da ne govorimo o ovim BFC certifikatima u općinama Kakanj, Zavidovići, Maglaj dobile BFC certifikat. Sve je ovo servisirala REZ Agencija. Uglavnom u ovom periodu od kako je osnovana udio REZ Agencije za udio Općine Maglaj se može mjeriti, to je nemjerljivo. Ovdje se radi o nečemu što je REZ donio to su milionski ovdje, što direktni, što indirektni dobit za općinu a od Općine je dobio moram se vratiti na taj papir slagat ću vam od 2009. godine 36.000,00 KM. zadnjih 8 godina ništa, ne ulazim što je to tako. Ovo je dvosmjerna ulica, možda je bio narušen. Ja sam direktor 5 mjeseci, bio sam direktor 2009. godine 3 godine kad je bio Delibegov han tada sam bio direktor. Draga mi je općina Maglaj, ovdje sam radio i kad sam radio u OSCE-u. vi se sada pitate kakav je naš stav. Naš stav bi trebao biti logičan ni iz džepa u džep jer svakako nismo dobijali pare od ovoga a predstavljao nam je breme. Ovdje se radi o tome da to nije dobro za Agenciju, preživjet će REZ bez Maglaja i Maglaj bez REZ-a ali to nije ni interes ni REZ-a ni Maglaja po mom mišljenju iz jednog jedinog razloga. Otvarat će se fondovi, Općine moraju razvijati infrastrukturu da bi mogle aplicirati na fondove koji dolaze koji su ozbiljniji. To što nema projekata morate shvatiti da postoje, da su to pozivi za projekte gdje se onda prijavljuju Agencije, prijavljuju se nekad su ti pozivi i za Općine i kantone i po pozivu neko dobije projekat neko ne dobije. Mnogi od tih projekata je činjenica su diskutabilni, ne vide se njihovi posebni efekti međutim oni nisu stvar toga jel to izabrao REZ ili

neka druga Agencija nije bitno, to je ono što se tražilo u Pozivu. Nekad su i nama smiješni. Ono gdje ja vidim i šta sam ja bio predložio u telefonskom razgovoru Načelniku Mahmutagiću je da REZ asistira kao što je asistirao svim općinama u kantonu da formiraju lokalne razvojne agencije. Ako imate pravilnu viziju treba se pretprijeti 2 godine da se to uspostavi na pravi način da bi se rezultati toga najbolji je primjer Žepče. U samom osnтку u Žepču znatno je pomagala i novu halu i u metodologijama i pisanjem projekata. Mi smo ZEDI donijeli 2,5 miliona projekata što smo im mi pisali. To je svrha ove Agencije za koje pare, da vi trebate dati godišnje 5.000, ni to. Čak smo nudili općinama 2022. Godine u ljeto da se postojeći protokoli modificiraju, da se smanje za pola. 2/3 opština je pristalo iz Maglaja nismo imali odgovora, meni je žao ali nismo imali odgovora. Zato što se tiče REZ Agencije ja ne znam kakav će biti stav Nadzornog odbora u slučaju da vi izadete. Ono što je stav uprave je da mi ne želimo da tužimo naše osnivače ako to bude stav Nadzornog odbora mi ćemo to morati uraditi jer jednostavno to nam nalaže Zakon o privrednim društvima. Ono što ćemo se mi truditi da to ne uradimo. Postoje Općine koje su izašle. Po tom protokolu je ponudeno općinama koje ne žele više da učestvuju da plate zadnje 3 godine i da onda se smatra da su izmirile obaveze. To je samo Usora htjela ali ja ne znam zbog čega da su oni htjeli da se nešto kao vežu za neku Agenciju u Osijeku. Meni se čini da nije ništa ni od toga bilo itd. Ja vam predlažem da razmislite o ovome danas što sam ja rekao, što se tiče REZ Agencije i posebno mene lično, mislim da Maglaj može puno više što se tiče projekata, mislim i također da REZ u Maglaju može puno više što se tiče projekata. U Maglaju ima projekata i ideja koji zavređuju da se urade posebno evo imamo to nam je struka jednu od najstarijih i najvrijedniji džamija i imamo podgrađe i tvrđavu koja bi po svim mojim nekim percepcijama trebala bar biti ko 2/3 Jajca u tom nekom urbano ambijentalnoj cjelini. Sve se to može zašto govorim da se mijenja imidž grada. REZ treba i to je radio već, ja sam jutros, neću više da ne dužim kad smo bili u Donjem Vakufu, uradit ćemo vam projekat Ajvatovice, ko će dati pare, nećete čekati pozive. Treba biti agiln. Otići ćemo sa parama u ambasadu, otići ćemo ovamo, otići ćemo ovamo. Ima više igrača, ima više imovinsko pravnih poslova. Pokušat ćemo uključiti Islamsku zajednicu, međutim to su sve šanse za razvoj. Hoćemo da budemo proaktivni, nismo imali nafake zadnjih 8 godina ovdje ali u ukupnoj slici mi smo kroz naše projekte u Maglaju donijeli više miliona. Tako da je moj prijedlog i Načelniku Mahmutagiću i mislim da smo se i čuli nedavno da se ovaj protokol vi ne morate izlaziti iz REZ-a vi po Protokolu već ne funkcionišete. Niste jedini odmah da vam kažem. Postoji još jedna opština koja je, to je Bugojno s kojim jednostavno se čovjek ne može dogovoriti s njima i uredu takva je osobenost tamo Načelnika i mi to uvažavamo ali to nas uopšte ne sputava da u svim projektima gdje Bugojno može aplicirati da mi to ne radimo. U slučaju da vi izadete, mi ćemo se prema Maglaju odnositi domaćinski ali s obzirom da ništa ne plaćate mi smo predložili da se napravi Ugovor sa vama izmjena ovog Protokola, da to plaćanje bude na ove Budžete simbolično, samo da imamo pred drugim osnivačima opravdanje da kažemo evo i ovi nešto plaćaju a da u tom trenutku ta se komunikacija otvori na pravi način pa da vidimo za godinu, dvije dana je li bilo išta od ove priče ili je bio samo pucanj u prazno. Ja vam predlažem tako, mi smo čak i pripremili verziju tog modificiranog Ugovora ja ga nisam ponio ali evo možda je i to ako se odlučite da ne izadete možda je i to način da neko od vijećnika podnese inicijativu da se napravi verzija tog Protokola na takav način. Toliko i hvala vam.

**Predsjedavajuća Aida Bašić:** Hvala Vam direktore. Mislim da ste dali mnoge odgovore. Rasprava je otvorena. Firuz, izvolite.

**Vijećnik Firuz Galijašević:** Pozdravljam sve prisutne. Moge odgovore da ali možda meni ne bitne. Lijepo je rekao direktor koje su obaveze i odgovornosti Općine Maglaj prema REZ-u. šta je odgovornost REZ-a i obaveza? Koliko projekata sa područja općine Maglaj je prošlo a koliko nije? Koji je zadnji projekat i u kojem iznosu je bio koji je prošao za područje općine Maglaj? Hvala.

**Predsjedavajuća Aida Bašić:** Hvala Firuze. Da li ima još vijećnika za diskusiju? evo gospođa Hadžić, pa Vi Načelnice.

**Vijećnica Aida Hadžić:** Što se nas u OO DF-a tiče mi smatramo da bi trebali ostati u Razvojnoj agenciji zato što nemamo svoje lično. Ovaj prijedlog je zaista dobar i korektan što se tiče direktora da treba da se ta saradnja obnovi. Ja ću uzeti evo da jedan dio odgovornosti možda što je bio drugi

direktor ako ste vi bili prije direktor pa sad se opet vratili, možda je to nešto dobro i pozitivno i vjerovatno imate više iskustva vezano za Maglaj pa ćemo očekivati da ćete se i Vi pokazati malo više ali činjenica da i mi sa naše strane moramo imati više prijedloga da imamo više ideja i projekata koji se predlažu vama ali se i od vas očekuje da onda i vi budete malo aktivniji na ovom našem području. Ako je moguće da nam dostavite i taj prijedlog Ugovora i ako je moguće Izvještaj o radu za prethodnu godinu a mi smo za to i smatramo ako smo do sada izdržali da možemo još jednu godinu da vidimo kakve su mogućnosti a da svakako trebamo raditi na tome da imamo vlastitu Razvojnu agenciju.

**Predsjedavajuća Aida Bašić:** Hvala gospođo Hadžić. Abdurahmanović, izvolite.

**Vijećnik Adis Abdurahmanović:** Ja ću ispred Kluba SDA zahvaliti se direktoru što se odazvao i što nam je pružio neke informacije koje mi ustvari nismo dobili u materijalima na prethodnoj sjednici. Jedna od informacija je da je ta da 8 godina Općina Maglaj nije uplatila ni jednu konvertibilnu marku i šta očekivati onda. Klub SDA će biti protiv istupanja i nadamo se kao što je kolegica iz DF-a Hadžić kazala da će suradnja biti mnogo bolja u narednom periodu. Hvala.

**Predsjedavajuća Aida Bašić:** Hvala Adise. Načelnice, izvolite.

**Mirsad Mahmutagić, Općinski načelnik:** Sve vas srdačno pozdravljam, evo izlazim prvi put za govornicu. Imat ćemo pred Novu godinu još jednu sjednicu Općinskog vijeća u međuvremenu nastupa i katolički Božić evo i ja ću iskoristiti priliku da svim vjernicima katoličke vjeroispovijesti čestitam nastupajući Božić i svim vjernicima pravoslavne vjeroispovijesti također poslije Nove godine nastupa pravoslavni Božić i svim građanima sretnu i uspješnu Novu godinu. Da neko ne bi pogrešno razumio dakle i gospodin Sarajlić se znamo desetak godina. Imali smo mi kojekavih razgovora i druženja. Ovo je sad nešto sasvim drugo. Moram malo prozvati gospodina Sarajlića izgleda da je mentor u zadnje vrijeme djelovao pa se iznesu neke poluinformacije ili poluistine. Lijepo bi bilo da ste od 2013-2016. godine nabrojali još koliko ste dobili, niste nabrojali. Dakle desetak godina se ne plaća nije želite namjerno aludirati da je to 8 mojih godina. Samo malo, ja Vas slušao i nisam riječi progovorio, sad Vi lijepo slušajte mene. Dakle, novac koji je dat je dio projekata koji su realizovani u okviru kojih je suučesnik bio i REZ i Općina Maglaj nije osnivač nego suosnivač REZ-a. Ja nikad ugovor vidio nisam, nikad nisam vidio direktora REZ-a. Najnormalnije i najlogičnije bi bilo da su u novembru 2016. godine pokucali na vrata Općine i rekli: „Čestitamo gospođino Mahmutagiću. Vi ste novi načelnik, ja sam direktor REZ Agencije. To su naši kapaciteti, to su naše mogućnosti. Predlažemo nastavak saradnje.“ Dakle, nikad u trenutka kad sam vidio da i drugi izlaze onda sam i ja predožio. Vi danas vijećnici kako god odlučite, meni je da se razmijemo, meni je sasvim svejedno. Vi odlučite kako god hoćete. Ja samo kažem da nema fajde od REZ Agencije nikakve. Malo su korigovali sad stranicu. Prošli put kad smo imali Vijeće, kad smo potegli priču o REZ Agenciji. Posljedni projekat koji je stajao na njihovoj stranici osim vijesti je iz 2015. godine i to ne u Maglaju. Na ovom svemu što su učestvovali okej hvala ali ima ovdje stvari koji nemaju veze sa realnošću. Evo spomenuli ste BFC. Nisam vas gospođino Sarajliću ni znao da postojite kad smo radili BFC i dobili certifikat. Možda sve vi nekad negdje nekome i pomagali u drugim općinama, vjerovatno jeste. Imali ste informaciju da smo u procesu, niste se pojavili. Ja sam predožio izlazak jednostavno što nema nikakvih efekata. Mi realizujemo projekte, ne treba nama neko reći da nema projekata. Imamo mi projekata kamara sa domaćim i sa međunarodnim insititucijama, pogledajte posljednih godina koji su sve projekti realizovani. Malo me čudi ako smo potegli priču da izademo, imate prijedlog za korekciju Protokola Ugovora, kako ga već nazvali i onda kažete za govornicu eto nismo ponijeli, neozbiljno. Trebali ste odmah čim ste čuli da neko predlažemo na Općinskom vijeću da se isključimo iz REZ Agencije, trebalo je valjda odmah djelovati, nazvati, doći, poslati korekciju itd. Neozbiljno i da u Općini Maglaj nema uopće ugovora i to da kažem. Zašto ga nema ne znam ja to nemam odgovor. Nisam ga zatekao, pitaj Boga gdje je. Dakle, mi radimo projekte i realizujemo projekte. Ako vam treba evo gospodin Bešliagić je puno svježiji da navede koje smo sve posljednih godina realizovali projekte sa međunarodnim organizacijama. Posljedni koji imate evo ga ovdje gore iznad nas. Izuzetno vrijedan projekat završen. Prema tome ne bih ja puno ovdje trošio vrijeme. Ja vam kažem od REZ Agencije Maglaj 10 godina nema ništa. Ni jedan jedini sastanak nisam imao sa REZ Agencijom.



Ne znam ko su ali znam da su primanja kakva jesu. Korigujte evo neka Vijeće odluči kako god hoće. Korigujte, predložite, dajte projekte u Maglaj pa onda očekujte novac. Hoćete očekivati novac da vas neko finansira a ne radite, nemojte nije uredu. Prema tome, neću ništa posebno, ako bude trebalo reagovat ću ako ne treba neću. Što se tiče Vijeća kako god odlučite ali se uključite jednom u korist ove općine i razmislite imamo li fajde. Ima li načina da imamo fajde, ako gospodin Sarajlić ima prijedlog na koji način možemo imati fajde od toga, onda ćemo nešto i platiti. To nije sporno, ali nemojte da se kitimo. Delibegov han je davno bio. REZ je učestvovao u tome, bio je potpora. Hvala na tome. Nije REZ donio projekat i ne traži se to ni od jedne Agencije. Od Agencije se traži da proaktivno radi i na pripremi projekata i na apliciranju i na realizaciji naravno i Općina treba tu da bude potpora. Ako nešto nefunkcioniše, neću ja reći da je kriva samo jedna strana ali hoću reći da nismo imali nikakvog efekta u zadnjih 10 godina. Nismo imali nikakvih kontakata, nije niko ni pokušao nešto da radi u Maglaju itd. Da ne nabrajamo dakle ovo što je, evo još jedna stvar ovdje rečena, jedina općina gdje REZ Agencija otvorila kancelariju. Jeste, tačno je to. Po projektu je invalidno lice nekim drugim putem riješilo finansiranje i sve funkcionisalo 3 godine i nakog toga je lice otišlo na druge poslove. Danas i ne živi u Maglaju ali s druge strane nema nikog iz Maglaja u rukovodnim organima REZ-a a doduše i ne znam. Rekao je gospodin da ima Nadzorni odbor da li ima još neko osim direktora, stvarno ne znam. Hvala.

**Predsjedavajuća Aida Bašić:** Hvala Načelnice. Može samo, ukoliko nema više vijećnika za diskusiju imali smo pitanje vijećnika Firuza, pa bih Vas zamolila direktore da odgovorite.

**Ismet Sarajlić:** Poštovani Načelnice Mahmutagić, ja i Vi smo se čuli prije par dana. Ja sam Vam predložio telefonom da idemo na novi Protokol, čak sam Vam i rekao da bi to bila cijena simbolična i čak sam rekao da bi to bilo oko 5.000,00 KM godišnje. Što se tiče Agencija radi i ne radi a primanja kakva jesu. Agencija ima 8 zaposlenih i moja plaća je 1.900,00 KM odmah da se razumijemo. Možete provjeriti ja ću vam to donijeti, radi mog digniteta a ne radi nečega. Što se tiče projekata zadnji projekat vi morate shvatiti da postoji negdje gdje je Općina Maglaj u projektu koji je za čitav Zeničko-dobojski kanton i zadnji projekat je bio 2016/2017 godine, prerada Komunalnog otpada kao alternativnih goriva u cementnoj industriji. Sve su opštine njime obuhvaćene. To što mi nismo imali komunikaciju pa da je neko može iskoristiti ovu studiju a vezana je generalno za otpad to je ono što trebamo ispraviti. Ono gospodine da ja Vama odgovorim, ono što je REZ ovdje uložio i donio projekata i to možete provjeriti se mjeri milionima a Vi ste uložili u REZ i platili u zadnjih 10 godina 36.000,00 KM. Samo još jedna stvar gospodine Mahmutagiću, stvarno nije lično Vi znate da nije lično i da je nemoguće da mi to imputirate. Iz našeg računovodstva evo zadnja godina u kojoj je plaćeno 2015. godina 4.579,00 KM . od 2016. godine do danas nije. Ovo su iz našeg računovodstva, nemaju ljudi vas ne pozna je nikog od vijećnika, ni načelnika, ni predsjedavajući.

**Predsjedavajuća Aida Bašić:** Hvala direktore. Izvolite načelnice.

**Mirsad Mahmutagić, Općinski načelnik (replika):** Mala samo replika. Hajde prvo što se tiče novca, dakle da hoćete informisati vijećnike u potpunosti onda biste rekli zašto je taj novac prebačen i za sve ove stavke koje ste nabrojali kad je za što prebačeno ali nebitno je to, nemojte da politiziramo. Hoću ovdje da kažem jednu stvar da ne bude da sam rekao nešto što nije tačno za govornicom. Dakle, gospodin Sarajlić je rekao da smo imali neko veće konatakt, jesmo imali telefonom. Hajdi ba ostani, smanjit ćemo skroz. Pa kakav je to dogovor, nemojte da se zezamo, da se igramo. Čujet naveće se čujemo u 9 pola 10 hajdi ba ostanite. Papir, prijedlog, nacrt to je put. To vi znate gospodine Sarajliću, duže se od mene bavite tim stvarima. Dakle, naravno pa recite slobodno šta sam rekao. Ja nisam za to ali Vijeće će odlučiti. Pa dobro Vijeće će odlučiti kako odluči, naravno.

**Predsjedavajuća Aida Bašić:** Hvala Načelnice. Ukoliko nema više diskutantata, pauza na zahtjev Kluba SDP-a. Poslije pauze nastavljamo dalje, gospodin Šehić izvolite.

**Vijećnik Senad Šehić:** Nakon diskusije koju smo imali čuti po ovoj tački a argumentacije koje su iznijele obje strane i ovo što smo čuli sa strane direktora REZ-a i podataka i argumentacije koju je iznio i sam Načelnik. stav Kluba odnosno prijedlog Kluba SDP-a je da na neki način damo jednu novu šansu da predložimo da se možda napravi Nacrt novog Protokola koji bi došao i na samo

Vijeće i da pokušamo dati i novom direktoru šansu obzirom da je tu kako je i rekao tek 5 mjeseci na ovoj poziciji. Da zajedno sa Načelnikom usaglasimo nekakav Nacrt Protokola kako smo čuli i sa druge strane, da do sada nije ni postojao nikakav Protokol, Ugovor ili šta već, pa da evo dode na Vijeće jedan takav Nacrt Protokola pa da onda i mi kao vijećnici razmotrimo isti i da vidimo šta je najbolje za samu općinu. Još jednom ponavljam da svima damo šansu da napravimo nešto što će biti od interesa svih građana općine Maglaj. Hvala.

**Predsjedavajuća Aida Bašić:** Hvala Senade. Da li se još neko javlja za riječ. Ukoliko nema više diskutanata, zatvaram raspravu i stavljam prijedlog gospodina Šehića, odnosno ispred Kluba SDP-a na glasanje. Ko je za?

**Glasalo za:** Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH),

**Glasalo protiv:** Nema.

**Uzdržanih:** Aida Hadžić (DF), Aida Bašić (A-SDA), Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Vijećnik Maid Suljaković (SDA) van sale za vrijeme glasanja. Konstatujem da prijedlog nije dobio potrebnu većinu i stavljam Prijedlog Odluke o istupanju Općine Maglaj iz članstva REZ d.o.o. na glasanje, ko je za?

**Glasalo za :** Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH),

**Glasalo protiv:** Aida Hadžić (DF), Aida Bašić (A-SDA), Eldin Pehrat, Adis Abdurahmanović, Edin Salatović, Jasmin Begić, Safet Jašić, Maid Suljaković, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

**Uzdržanih:** Nema.

Konstatujem da nismo usvojili Odluku.

## ZAKLJUČAK

3.1. Ne donosi se Odluka o istupanju Općine Maglaj iz članstva Regionalne ekonomske zajednice „REZ“ d.o.o. Zenica

### AD 4. Godišnji plan potencijalnih JPP projekata za 2024. godinu

**Predsjedavajuća Aida Bašić:** Prelazimo na Godišnji plan potencijalnih JPP projekata za 2024 godinu. Da li nam je potreban uvodničar. Jeste, gospodini Nermin je tu izvolite.

**Nermin Bešlić:** Pozdravljam sve prisutne. Vezano za ovu tačku to je otprilike u kontinuitetu ova praksa koja se odvija već niz godina. S te strane otprilike priča o Javno privatnom partnerstvu je možemo slobodno reći više zakonska obaveza da na određeni način ispoštujemo Zakon o javno privatnom partnerstvu Zeničko-dobojskog kantona a manje koliko je zaista realno osnovano da se dešavaju ova partnerstva kako u Federaciji tako u ZDK, tako i u samom Maglaju. S te strane interes za javno privatna partnerstva zaista gotovo da i ne postoji, da se nigdje još ne dešavaju, ne realizuju projekti i s te strane na određeni način općina ponavljam ispoštuje zakonsku obavezu, pravi taj godišnji plan i otprilike pokušava ažurirati svake godine i na određeni način kandidovati projekte za koje smatra da imaju potencijal javno privatnog partnerstva i da su na određeni način interesantne i aktuelne. S druge strane da su i interes općine. Toliko otprilike.

**Predsjedavajuća Aida Bašić:** Hvala Nermine. Otvaram raspravu, da li se neko javlja za riječ. Gospodine Osmić, izvolite.

**Vijećnik Edin Osmić:** Ja bih pozdravio sve prisutne. Kluba vijećnika SDA razmatrao je ovu tačku i mišljenja smo da je ovo još jedno bacanje prašine u oči građanima općine Maglaj pred nadolazeće izbore a naročito kada se ima u vidu da je na rednom broju 1 kao prioritet za 2024. godinu stavljen projekat centralnog grijanja grada Maglaja. Svi smo svjedoci da se na Vijeću u više navrata pokušalo izvršiti prenamjena prostora na kojem je planirana izgradnja toplane za centralno grijanje Maglaja i na tom mjestu instalira tvornica za proizvodnju pića. Može li nam neko objasniti šta uopšte podrazumjeva uspostava i organizacija funkcije turističke ponude Maglaja. Ako se pročita napomena iz praćege akta koji glasi: "Napominje se da plan nije i ne može biti prepreka za realizaciju drugih potencijalnih projekata JPP-a kao iniciranje potpuno novih inicijativa i projekata sa potencijalom JPP-a u slučaju iskazanog interesa privatnog partnera". Postavlja se pitanje čemu onda plan ako se već ne forsira njegova realizacija.

**Predsjedavajuća Aida Bašić:** Hvala Edine. Da li ima još diskutanata? Nema, Nermine da li možete ponuditi odgovor gospodinu Osmiću?

**Nermin Bešliagić:** Otprilike odgovor je već dat u uvodnom izlaganju i mi smo samo smo svjesni da interes, da bi se desilo ovo partnerstvo interes mora postojati privatnog partnera, koji je u ovom slučaju i najvažnija od javnog interesa. Privatni partner koji će prepoznati svoj interes u ovim projektima koji su ovdje kandidovani, naravno i bilo koji drugi. Kad pominjete ovaj drugi projekat kreiranja turističke ponude, odnosno integralna turistička ponuda u biti privatni partner dolazi sa svojom ponudom za javno privatno partnerstvo koja se na određeni način koncipira, razmatra, prihvata ili ne prihvata. Tako da nije moguće u startu imati sve elemente riješene. To je sam proces partnerstva koji ima svoje faze, korake koje zaista i na određeni način pravno je kompleksan. Tek se u tom slučaju definišu svi uslovi i elementi itd. s te strane prije svega za bilo kakvo dešavanje prije svega je nužno postojanje privatnog partnera i interesa.

**Predsjedavajuća Aida Bašić:** Hvala Nermine. Ukoliko nema više diskutanata, zatvaram raspravu i stavljam tačku na glasanje. Ko je za?

**Glasalo za:** Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BiH), Aida Hadžić (DF), Aida Bašić (A-SDA),

**Glasalo protiv:** Nema.

**Uzdržanih:** Eldin Pehrat, Adis Abdurahmanović, Edin Salatović, Safet Jašić, Maid Suljaković, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Vijećnik Jasmin Begić van sale za vrijeme glasanja.

Konstatujem da je tačka dobila potrebnu većinu.

## ZAKLJUČAK

4.1. Usvaja se Godišnji plan potencijalnih JPP projekata za 2024. godinu

**AD – 5: Srednjoročni plan potencijalnih JPP projekata za 2024/2025. godina**

**Predsjedavajuća Aida Bašić:** Prelazimo na narednu tačku a to je Srednjoročni plan potencijalnih JPP za 2024/2025 godinu. Otvaram raspravu, da li nam je potreban uvodničar. Ne treba, gospodin Salatović izvolite.

**Vijećnik Edin Salatović:** Pošto i ja izlazim prvi put sve vas selamim i pozdravljam. Kaže ovako isto i za godišnji tako i za srednjoročni plan, predstavlja spisak želja za čiju realizaciju se ništa nije napravilo da se bar malo približimo realizaciji istih. Neko naprotiv kako se pokušalo sa prenamjenom prostora za toplanu, tako se pokušalo i nažalost uspjelo u prenamjeni prostora predviđenog za gradski bazen. Tako da sada u planu imamo izgradnju bazena sa pratećim sadržajima ali ga nemamo gdje izgraditi. Izgradnju centralnog grijanja već je rečeno na prethodnoj

tački. Potpuno je također jasno da nema ništa od famozne obilaznice u Novom Šeheru. Kada uporedimo godišnji sa srednjoročnim, logično je da se godišnji plan pravi na osnovu srednjoročnog ali ono što nije logično da se godišnji plan pravi na način da se iz srednjoročnog izvuku prioriteti 2 i 4 umjesto da se stvari poslažu po redu kako ide. Možda je najbolje čekati da se potencijalni partneri iz privatnog sektora iskažu svoj interes za određene projekte a ove planove da ostavimo negdje po strani.

**Predsjedavajuća Aida Bašić:** Hvala gospodine Salatović. Da li se još neko javlja za riječ, gospoda Zamboni izvolite.

**Vijećnica Svjetlana Zamboni:** Evo samo na osnovu ovog izlaganja kolege Salatovića da pitam Službu da li dostavljeni plan predstavlja rang listu ili je to zapravo samo plan koji podrazumjeva određeni broj projekata?

**Predsjedavajuća Aida Bašić:** Hvala gospodo Zamboni. Nermine, možete li odgovoriti.

**Nermin Bešliagić:** Da li treba ovaj plan ili ne treba. Da li u informaciji ili u nekom drugom formatu zaista nije pitanje našeg izbora. To je zakonska obaveza, koju zakon propisuje i obrazac i format i obavezu i obavezu dostavljanja usvojenog plana koji se uvrštava u katalog projekata i kao takav mi smo u biti u formalnoj obavezi da to provodimo. Koliko je zaista realno sada to da se dešava, naravno pod dobrim je upitnikom i prije svega uslovljeno privatnim interesom privatnog partnera.

**Predsjedavajuća Aida Bašić:** Hvala Nermine. Da li ima još diskutanata? Ukoliko nema zatvaram raspravu i stavljam tačku na glasanje, ko je za?

**Glasalo za:** Svjetlana Zamboni, Elvir Arnautović, Jasmin Duhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Aida Hadžić (DF), Aida Bašić (A-SDA),

**Glasalo protiv:** Nema.

**Uzdržanih:** Eldin Pehrat, Adis Abdurahmanović, Edin Salatović, Safet Jašić, Jasmin Begić, Mirsad Bežić, Eldis Kusur, Edin Osmić (SDA),

Vijećnik Maid Suljaković (SDA) i Mirza Mešić (samostalni vijećnik) van sale za vrijeme glasanja. Konstatujem da je tačka dobila potrebnu većinu.

## ZAKLJUČAK

5.1. Usvaja se Srednjoročni plan potencijalnih JPP projekata za 2024/2025. godina

**AD – 6: Prijedlog Odluke o utvrđivanju vrijednosti boda komunalne naknade za 2024. godinu**

**Predsjedavajuća Aida Bašić:** Prelazimo na narednu tačku a to Prijedlog Odluke u utvrđivanju vrijednosti boda komunalne naknade za 2024. godinu. Otvaram raspravu. Uvodničar, može izvolite Nedžade.

**Nedžad Čatić:** Pozdravljam sve prisutne. U skladu sa članom 30. Zakona o komunalnim djelatnostima ZDK svake godine se utvrđuje vrijednost boda komunalne naknade do 31.12. tekuće godine koji se koristi za obračun komunalne naknade u narednoj godini. Ukoliko se do 31.12. ne usvoji takva Odluka znači ostaje vrijednost komunalne naknade nepromijenjena. Što se tiče ove Odluke jedna novina ima a odnosi se u dijelu utvrđivanja boda komunalne naknade, razbili to po površinama. Tako da povećanje vrijednosti smanjimo na obveznike koji imaju najveće površine, jer bi inače da idemo linearno bilo bi dosta opterećeni obveznici koji imaju veće površine. Ja sam u obrazloženju stavio otprilike način na koji bi se obračunavala komunalna naknada, tako da je to to.

**Predsjedavajuća Aida Bašić:** Hvala Nedžade, Abdurahmanović izvolite.

**Vijećnik Adis Abdurahmanović:** Što se tiče ove tačke Dnevnog reda, ja bih postavio jedno pitanje a to je da li postoji stav Komisije za privredu, prostorno uređenje, urbanizam i zaštitu

okoliša kao i privrednog savjeta o ovom Prijedlogu Odluke. Klub SDA predlaže da se ovaj Prijedlog Odluke razmatra u formi Nacrta, kako bi se otvorila javna rasprava i da privredni sektor da svoje mišljenje. U obrazloženju ove Odluke stoji sljedeće. Da su se za razliku od dosadašnjih Odluka predložile različite vrijednosti boda zavisno od utvrđene površine na obračun komunalne naknade, jer smatramo da bi dosadašnji pristup sa jednim koeficijentom previše opteretio obveznike sa većim površinama. U tabelarnom prikazu ove Odluke možemo vidjeti 4 kategorije a to je prva od 0-100 kvadrata 0,004, druga 100-500 kvadrata sa 0,036 i treća od 500-1000 kvadrata 0,0034 i četvrta više od 1000 kvadrata 0,0032. Prethodne godine vrijednost boda komunalne naknade bila je za sve zone 0,0028. Gospodo kad se već toliko misli na obveznike zašto jednostavno niste predložili smanjenje vrijednosti boda komunalne naknade sa dosadašnjih 0,0028 na 0,0020 kao što je to recimo Općinsko vijeće Tešanj donijelo prije 15-20 dana. Znači, imamo obveznike po kategoriji sa duplo većim bodom komunalne naknade.

**Predsjedavajuća Aida Bašić:** Hvala Adise. Načelnice izvolite.

**Mirsad Mahmutagić, Općinski načelnik (replika):** Kad se nema sistemski pristup, kad se čita sa papira kad neko napiše onda se ovakve stvari dešavaju. Samo prije nekoliko dana smo imali sjednicu gdje ste se žalili da su niski neporezni prihodi, gdje ste donijeli zaključak da se poveća za 160 i nešto hiljada i sad dođete da pričate o Tešnju. Maloprije je bila tačka gdje je Tešanj napustio REZ Agenciju. Kako Tešanj nije i u tom slučaju pozitivan u tom slučaju je negativan. Druga stvar da imalo razmišljate znali bi da u ovoj prvoj kategoriji su većina poslovnih prostora koji su od nekoliko kvadrata koji svojom komunalnom naknadom nisu dostigli ni oni minimalnu koja je bila mjesečno bila 5-6 maraka. Ni nju nisu dostigli. Da razmišljate da svakom iz naredne kategorije se prethodno obračunava za taj broj kvadrata. Neko ko ima 150 kvadrata ne računa mu se čitavih 150 po onoj cijeni koja tamo piše. Nego se prvi 100 kvadrata obračunava po onoj najnižoj pa onda razlika na taj itd. Dakle, nemojte da prije sedam dana imamo jedno mišljenje jedan uzor, danas imamo drugo mišljenje drugi uzor. Komunalna naknada u Maglaju ako nije najniža jedna je od najnižih. Imali smo sa Tešnjom najnižu komunalnu naknadu. Ovdje nema apsolutno nikakvih bauka, nikakvih nameta, opterećenja itd. Radi se o nekoliko maraka za najveći broj korisnika a onima koji imaju puno kvadrata se išlo sa minimalnim uvećanjem.

**Predsjedavajuća Aida Bašić:** Hvala Načelnice. Gospođa Hadžić se javila za riječ, izvolite.

**Vijećnica Aida Hadžić:** Jedan primjer koji bi mi naveli recimo za privredne subjekte koji imaju kvadrata preko 120 kvadrata do sada što su plaćali godišnje 314,00 KM sad bi im bilo 435,00 KM. možda naše mišljenje da je to u ovom trenutku puno a ono što je interesantno i nelogično je prijedlog prihoda u Nacrtu Budžeta za ovu godinu je 410.000,00 KM sa povećanim bodom a u 2022. godini sa bodom 0,023 je 454.000,00 KM. Ako smo povećati broj što su onda prihodi ostali 410.000 odnosno što su planirani manji nego prije dvije godine i zašto je tolika razlika. Ako se u 2022. godini uspjelo toliko prikupiti a sad planirano 410.000,00 KM u Budžetu, smatramo da bi Odluka od prošle godine trebala oštati, da ne povećavamo ovaj bod.

**Predsjedavajuća Aida Bašić:** Hvala gospođu Hadžić. Replika, odgovor, izvolite.

**Mirsad Mahmutagić, Općinski načelnik (replika):** Gdje se pojavljuju velike razlike, pojavljuju se velike razlike da Elektrodistribucijama, Telekomu gdje se više ne obračunava komunalna naknada na mrežu. Tu se pojavljuje velika razlika. Prije je to bilo dosta kilometara pa čini mi se stotine su bile na elektromreži, manje na telekomunikacionoj mreži ali su bile i toga više nema. Zato se tu pojavljuje ova razlika.

**Predsjedavajuća Aida Bašić:** Hvala Načelnice. Nedžade, izvolite.

**Nedžad Čatić:** Dijelom je odgovorio Načelnik, što se tiče konkretnog tog povećanja ovoj od 0-100 kvadrata zavisu u kojoj je zoni, ovo je sad što je rekla dopredsjedavajuća odnosi se na prvu zonu na 120 kvadrata. Mi u prvoj zoni skoro da i nemamo takvih poslovnih prostora, prva zona je uži dio. Tako da to je većinom 50 i manje kvadrata. Na 50 kvadrata povećanje u prvoj zoni je 5 maraka mjesečno. Godišnje puta 12, 60 maraka ja mislim. Zašto je to rečeno, zato što bi povećanja da su u ovim većim površinama bilo bi hiljade maraka zato se išlo da bude manji koeficijent da se to malo razbije, o tome se radi. Što se tiče Budžeta, mislim da je Budžet rađen na osnovu prošlogodišnje

vrijednosti komunalne naknade, da će se vjerovatno sada u Prijedlogu morati povećati za nekih 60.000 a to biti malo i naš adut Sindikata da povećamo platu. Tražit ćemo tako.

**Predsjedavajuća Aida Bašić:** Hvala Nedžade, Abdurahmanović, izvolite.

**Vijećnik Adis Abdurahmanović:** Čekam da sjedne šef Službe jer očito nije čuo pitanje od prošla puta. Moje pitanje je bilo da li postoji stav Komisije za privredu, prostorno uređenje, urbanizam i zaštitu okoliša kao i Privrednog savjeta o ovome prijedlogu o utvrđivanju vrijednosti boda komunalne naknade za 2024. godinu. To je jedno a drugo ja ću evo neću izlagati kao što je Načelnik izlagao ovdje i po ko zna koji put ponovio kako se ne čita. Načelnice, itekako čitamo materijale, itekako se pripremamo za sjednicu i vi ste ovdje izašli i kazali nam da nema povećanja dok je šef Službe izašao i kazao da je u prvoj zoni povećanje 5 maraka mjesečno, što iznosi 60 maraka godišnje. Svaka marka u ovom momentu na privrednike je udar i povećanje, svako povećanje. Ako može samo odgovor na pitanje.

**Predsjedavajuća Aida Bašić:** Hvala Abdurahmanović, izvolite Načelnice.

**Mirsad Mahmutagić, Općinski načelnik (replika):** Promaši ga Abdurahmanović skroz pa ja upravo rekao da čitate, neko vam napiše pa čitate ali ne analizirate jedna stvar. Druga stvar nisam rekao da neće biti povećanje nego sam rekao da većina malih prostora kojih je najviše u prvoj zoni nisu u kvadraturi dosegali ni ono koliko im je naplaćivano za to što je klauzula najmanje 5 maraka mjesečno a oni su po kvadratu imali 3 ili 4 marke i za njih sam rekao. Za ostale vam je objasnio šef službe.

**Predsjedavajuća Aida Bašić:** Hvala Načelnice, Nedžade, izvolite.

**Nedžad Čatić:** Što se tiče komisije ovaj materijal nije bio na komisiji koja nije razmatrala. Bilo je malo i cajnota ali to je tako.

**Predsjedavajuća Aida Bašić:** Hvala Nedžade. Da li se još neko javlja za riječ. Na zahtjev dopredsjedavajuće pauza 5 minuta. Nakon pauze nastavljamo sa radom. Rasprava je još uvijek otvorena, da li se neko javlja za riječ? Abdurahmanović, izvolite.

**Vijećnik Adis Abdurahmanović:** Nakon konsultacija sa Klubom vijećnika zbog kratkog vremenskog perioda za održavanje javne rasprave Klub SDA povlači svoj prijedlog tako da.

**Predsjedavajuća Aida Bašić:** Hvala Abdurahmanović, Firuz izvolite.

**Vijećnik Firuz Galijašević:** Klub SDP-a a i ja kao član komisije prozване predlažemo da se Odluka o utvrđivanju vrijednosti boda komunalne naknade za 2024. godinu odgodi do izjašnjenja komisije.

**Predsjedavajuća Aida Bašić:** Firuze, samo malo. Predlažete da se Odluka?

**Vijećnik Firuz Galijašević:** Da se odgodi i da ide uz Budžet.

**Predsjedavajuća Aida Bašić:** Dok ne dobijemo mišljenje komisije i nakon toga da ide kao tačka Dnevnog reda na vanrednoj sjednici. Hvala. Da li ima još diskutacija? Ukoliko nema zatvaram raspravu. Imali smo prijedlog od Kluba SDA koji je kasnije povučen i imamo drugi ispred Kluba SDP-a, koji je Firuz iznio pa evo stavljam prijedlog na glasanje. Ko je za?

**Glasalo za :** Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

**Glasalo protiv:** Eldin Pehrat, Adis Abdurahmanović, Edin Salatović, Safet Jašić, Mađid Suljaković, Mirsad Bejić, Eldis Kusur, Jasmin Begić, Edin Osmić (SDA), Mirza Mešić (samostalni vijećnik), Aida Bašić (A-SDA), Aida Hadžić (DF).

**Uzdržanih:** Nema.

Konstatujem da prijedlog nije dobio potrebnu većinu. Stavljam Prijedlog Odluke o utvrđivanju vrijednosti boda komunalne naknade za 2024. godinu na glasanje. Ko je za?

**Glasalo za :** Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

**Glasalo protiv:** Eldin Pehrat, Adis Abdurahmanović, Edin Salatović, Safet Jašić, Mađid Suljaković, Mirsad Bejić, Eldis Kusur, Jasmin Begić, Edin Osmić (SDA), Mirza Mešić (samostalni vijećnik), Aida Bašić (A-SDA), Aida Hadžić (DF).

**Uzdržanih:** Nema.

Konstatujem da Odluka nije dobila potrebnu većinu.

## ZAKLJUČAK

6.1. Ne donosi se Odluka o utvrđivanju vrijednosti boda komunalne naknade za 2024. godinu

**AD – 7: Prijedlog Zaključka kojim se daje ovlaštenje Aidi Bašić, predsjedavajućoj Općinskog vijeća Maglaj, kao osnivača Komunalnog javnog društva d.o.o. Maglaj, da po konačnom imenovanju direktora, potpiše Prijavu za registraciju u postupku promjene lica ovlaštenog za zastupanje Komunalnog javnog društva d.o.o. Maglaj, kod nadležnog registarskog suda.**

**Predsjedavajuća Aida Bašić:** Prelazimo na tačku 7. Prijedlog zaključka kojim se daje ovlaštenje predsjedavajućoj za potpisivanje prijave za registraciju u postupku promjene lica ovlaštenog za zastupanje KJD d.o.o. Maglaj kod nadležnog registarskog suda. Materijal vam je podijeljen. Ko je za?

**Glasalo za :** Svjetlana Zamboni, Elvir Arnautović, Jasmin Duhera, Arif Mujkanović, Almin Smailović, Anida Šahman, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Eldin Pehrat, Adis Abdurahmanović, Edin Salatović, Safet Jašić, Maid Suljaković, Mirsad Bejzić, Eldis Kusur, Jasmin Begić, Edin Osmić (SDA), Mirza Mešić (samostalni vijećnik), Aida Bašić (A-SDA), Aida Hadžić (DF),

**Glasalo protiv:** Nema.

**Uzdržanih:** Nema.

Konstatujem da smo sa 24 glasa za usvojili tačku 7.

## ZAKLJUČAK

7.1. Donosi se Zaključak kojim se daje ovlaštenje Aidi Bašić, predsjedavajućoj Općinskog vijeća Maglaj, kao osnivača Komunalnog javnog društva d.o.o. Maglaj, da po konačnom imenovanju direktora, potpiše Prijavu za registraciju u postupku promjene lica ovlaštenog za zastupanje Komunalnog javnog društva d.o.o. Maglaj, kod nadležnog registarskog suda.

**Predsjedavajuća Aida Bašić:** Prelazimo na vijećnička pitanja i inicijative. Salatović, izvolite.

**Vijećnik Edin Salatović:** Upućujem vijećničko pitanje prema Službi za urbanizam, geodetske i imovinsko-pravne poslove Općine Maglaj sa pitanjem u kojoj je fazi Zahtjev od strane MZ Bradići, a koji je vezan za isporuku nasipnog materijala za područje ove mjesne zajednice. Naime, mnogi građani su pokretali inicijative za posipnim materijalom širom mjesne zajednice koji bi se ugradio na do sada neasfaltirane puteve, od kojih su mnogi u lošem stanju.

Imam informaciju da je od strane predsjednika MZ Bradići napravljen Zahtjev prema Službi, ali na isti se, iako je prošlo jako puno vremena, nije odgovorilo. Koji je razlog za to i kada se može očekivati rješavanje ovog Zahtjeva?

**Predsjedavajuća Aida Bašić:** Zaključujem sjednicu u 18,10 sati.

Zapisničar

Elza Gračić



